



明詩正聲卷二十九 五言律詩十

廣陵

盧純學

江一夔校閱

吳興
爾雅
爾雅
爾雅
爾雅

過孺宗弟碧澄樓

張邦侗

自得幽棲趣長吟一倚樓雙梧天外碧孤嶼鏡
中浮雲氣晴猶濕湖光澹不流但能忘物累何
必問滄洲

送張平叔之維揚

秋色到鳧鷖秋風送客舟山青隔揚子雲白帶

瓜洲極目東南迥長江日夜流淒淒千載後帝
子亦空樓

天界寺

雨過尋天界山僧晚閉門逕深秋草沒苔積土
花渾鐘磬出林盡松筠夾道繁吾將求淨理貝
葉月中翻

秋日寄懷盧子明客白下

王延祚

蕭條憐客路迢遞莽秋烟離別經三歲音書動
隔年石城孤月迴淮水片雲縣此際相思字還

馮白鴈傳

涉江望浮玉寺

陸應陽

招提瞰江滸縹緲絕埃氛塔影煙中辨經聲象
外聞山青連楚樹潮白浸吳雲悵望諸天界胡
然咫尺分

清河寄申進士敬中

驛路三千外西風幾憶君山昏縣暮雨濤白卷
秋雲木葉客中盡鴈行天地分可堪離索夜寒
角傍愁聞

真州夕汎

天際片帆飛千山送夕暉雲隨倦鳥去月帶晚
潮歸水國芙蓉暗江田首菑肥故園今在望搖
落有漁磯

感懷

張成德

汗漫豈吾意羈懷誰與論風塵淹白髮歲月寄
青尊老去憐多病愁來幾斷魂書傳南去鴈曾
否到吳門

宿江閣

山色殘陽暝烟光野戍浮荒城叢古木高閣俯
寒流客夢關河月鄉心鴻鴈秋空餘一長劔清
夜倚牀頭

送陳彥聲還里中

偶逢滄海上翻動故鄉愁白髮憐多病青山已
倦遊一尊歌楚調雙淚脫吳鉤後夜相思夢隨
君到虎丘

送張公子還廣東

何九州

去矣悲游子西風滿黑貂五年鄉信斷萬里客

魂消桂席江天暝停車嶺月遙到家梅正發寒
色莽蕭蕭

送胡簿之長沙

憐君雙白早多病滯天涯為政風流在還鄉道
路賒人元非短簿官豈謫長沙不用頻吹笛江
梅正落花

王百穀龍池別業

朱正初

度嶺山初合尋梅花未踈來過谷口業何異鹿
門居瀑響堪高枕樓閒好著書欲從投老計婚
嫁事何如

夜宿江城有懷季與登叅知孤山獨眺

踈燈沉鼓角憶爾卧山中一榻翠微上孤吟滄
海東城高春隔寺潮落夜迴風咫尺躋攀處令
人悵不同

酬通公秋日過訪之作

一杯乘曉渡爽氣共西來病色逢君起蓮花聽
偈開白雲迴碧落黃葉下蒼苔揮麈談名理塵
心已似灰

立秋後一日送馬文圃東歸 俞沂
對酒白日暮歸心不可留西風昨夜至客路又
逢秋烟月清江渚蘋花白鷺洲送君無限意慷
慨脫吳鉤

惜別

張文柱

惜別復惜別殘更為爾遙青楓薄命葉楊柳斷
腸條天迴遲寒鴈江空急夜潮秣陵煙雨際留
得鬢蕭蕭

別楚人

葉之芳

同君楚水別獨向晉陵歸秋葉霜中盡寒帆海
上稀城荒衰草遍山遠夕陽微最是添愁處天
邊一鴈飛

其二

歸人南國去鄉路入江烟遠樹低山郭寒潮沒
渚田長風飄薄暮短日傷殘年蕭索難為別惟
應故舊憐

楚山道中書感

落日烟氣白家家秋葉紅聽猿流水上立馬亂

山中失路向誰問壯心徒自雄遙將短弋避從
此學冥鴻

寒食金陵病中作

東風吹短褐寒食傷天涯客舍孤城雨鄉心二
月花遠山青極浦芳草綠平沙不盡王孫淚年
年感物華

九日見白髮

秋高愁擘鏡白髮鑷還生憔悴年來色淒涼老
去情寒花得雨發斷鴈背風鳴此日西窓下無

端百感并

秋日攜妓登石門有懷卓漱父

紫烟生兩袖高躡石門秋盧女能同醉王孫不
並游雲中吳岫亂天際越江浮今夕空芳月思
君杜若洲

訊蘇國子子仁并題一柳亭 鄧伯羔

蘇卿名下士隱約校書郎聽雨青山近餐雲綠
鬢長一亭聊寄傲五柳未成行不盡思君意春
波正渺茫

題無疑上人房

趙炳

遠公禪定處一徑轉東林愛此松蘿宇兼之水
月心花籠苔砌合雲卧竹房深坐久塵緣息唯
聞清楚音

秋日訪李伍東幽居

孟華平

荒村人事少步履一相尋落木寒蟬急閉門秋
草深開尊移白日流水寫瑤琴未覺歸來晚涼
蟾在遠林

桓溪晚歸

楊承鯤

葉落谷風起山寒白日徂秋聲動寥廓人語入
菰蒲澗險鳴泉亂林高晚燒孤前峰返照出昏
黑遍棲鳥

秋日越州閣

江閣臨秦望山城繞越臺避風烏稍下欲雪鴈
還來築圃三秋盡登高萬井開莫將搖落意浪
逐楚臣哀

撓溪

汪禮約

撓溪門外水流出萬山西地僻無人到林深一

鳥啼凍雲寒日少高壑暮烟低豈是桃源裡歸
來路轉迷

江上別盧子明

天昏雪欲下江暝月初輝對此那堪別相看淚
濕衣野潮寒更落塞鴈暮還飛明日思君處空
山獨掩扉

舟發西渡同沈箕仲屠田升分得奇字

吳鎮

碧樹帆前合青山雨後奇斷雲低野渡涼月浸

荒陂鼓角悲中夜關河悵別時故園芳草色莫
遣怨歸遲

留別福山戎府

高壚

路窅千峰合城孤一水過海樓朝見蜃江鼓夜
聞鼉客自羞彈缺時猶未息戈孤舟明欲發歸
興在煙蘿

卜居陽羨雜言

俞策

壤僻艱深入家貧輕遠移稱臣依草莽避客掩
茅茨禮法從人棄烟霞或自私生平隱成癖非

薄明時

其二

鷄犬成墟落蕭蕭半畝宮湖山元作長田舍復
稱翁五口中人產千家太古風無由知帝力耕
鑿自為功

其三

遠心投澗壑痼疾抱烟霞藥採經春草松飡帶
雨花同林惟鹿豕失路任龍蛇無復歌彈缺閒
居樂歲華

送袁左使東歸

彭大翱

未遂鹿門隱言從蜃海棲乾坤增悵結江漢惜
分携去路村烟外征帆野水西遲回望行色芳
草正萋萋

泊京口驛

漂泊孤舟夜蕭條獨客心懷人江上樹離思月
中砧鉄甕江聲近金山暝色深故園歸未得悵
望鴈魚沉

天津衛東趙夢白戶曹

羅治

潭潭河源急蒼蒼海色高將營屯萬馬甲士聚
千艘貢賦東南盡征求日夜勞要知經國者
帝力到秋毫

送吳叔嘉遊匡廬兼訊故園諸子

遠携廬岳屐獨汎蠡湖船百道看飛瀑千峰入
紫烟洞猶藏白鹿碑尚紀青蓮為報南州士空
慚旅食年

江城

蔡學用

映夕秋光碧吞城水氣黃雲來過曠壘月出上
高檣設險江如帶臨邊海作防何時靜波浪春
信罷殊方

月夜鑑湖橋上聽方惟義吹簫

水落湖天冷煙空海月含石橋危共倚霜樹皎
相參盡奏心逾苦微聽思不堪中宵自嗚咽一
曲望江南

將入南雷阻雪宿汪長文舍 聞龍

南雷何處是遙見白雲飛風雪應難到林間且
暫依石泉冰下咽松火夜深微却咲山陰客扁

舟興盡歸

哭柴仲初

時時愁汝病不道遽傷生弱冠交非淺臨棺嘆
不平死生終未達辛苦竟無成賴有遺詩在猶
堪紀姓名

泛舟中林訪沈嘉則留贈

潘之恒

為訪中林士因過平楚亭荒臺春草碧虛閣遠
山青西出占雲氣東歸隱歲星楊雄唯寂寞堪
老太玄經

山中聞笛懷楚朱二

朱勳

山中聞折柳雙淚落梅花江漢情何極瀟湘路
轉賒寒雲停海嶠秋色澹蕪葭却憶江頭別悽
然幾歲華

秋日登狼山

崔有階

山色馬頭出嶺岼翠不消斷巖迴曲磴懸塔倚
青霄夕靄沉疎樹秋聲雜暮潮臨風歌楚辨江
海忽蕭條

丹陽道中

足馬行將夕春烟綴客袍一尊山寺雨孤棹海
門濤天遠金陵迴江深鉄甕高征車何處歇蒼
靄莽林臯

靜海寺

崔瑞山

古刹澄江上慈雲一逕深潮聲喧石壁秋響入
空林磬落諸天雨鐘分大海音夕陽寒欲墮斜
影薜蘿陰

夜宿江別駕山園

羣動晚來歇踈燈照雪殘梅花窺枕簟明月到

欄干市遠人言斷山空客夢寒酒醒時起立白
露夕漫漫

孟冬郊望

野曠孤城出天空落木聞鳥聲喧短日鴈字入
寒雲林莽雙帆度江鄉一水分孟冬風氣肅蕭
颯對斜曛

送萬未夫

柳應芳

十載無家別送君何處歸漁樵為舊業那里識
初衣曉騎催人去春鴻背客飛因悲同病侶老

明言正聲
卷之二十九
大不知非

聞砧

迢迢羈旅夜何處搗秋砧急響風中斷愁心月
下深初疑出近戶忽覺在高林蕭瑟難為聽無
衣思不禁

過周稚尊郊居

隔水見林扉晝扃人到稀薜蘿相引入鷗鷺不
驚飛舍影落青澗窓陰開翠微羨君栖息好益
覺世情非

酬盧子明宿鷄鳴寺見懷

客居蕭寺裡夜宿白雲層支枕分僧榻攤書借
佛燈秋螢和葉墮暮雀擇枝登三復懷人詠泠
然思不勝

同社人宿白湖草堂憶張三去華

王堪

南歸逢舊侶卮酒話桑麻短榻留雲色虛堂浸
月華蛩聲湖上草客夢海邊槎離合驚時變青
蘋幾度花

宿白溝河

胡之驥

夜宿荒村口人傳是白溝河山猶去日戰伐自
千秋戍冷烽烟斷雲深鴈陣愁先皇有遺恨
嗚咽水東流

武林逢盧子明

秦舜友

昔年淮海別雪片滿征鞍此日重逢地千山木
葉丹孤城朝雨濕行李暮雲寒試看君容髮方
知道路難

曉發青山鎮

楊兆坊

曉月淨娟娟蒼涼欲曙天村家初放牧墟里忽
生烟樵爨山柵裡牛羊水碓前異鄉看物色立
馬意蕭然

雪後望文脊山

梅蕃祚

東臯聊縱目霽色在空林雲裏千峰雪村邊獨
樹陰荒原驅獵馬落日下飢禽最是蕭條處能
傷遲莫心

新秋閨思同白仲禹金泰符同賦

一葉下庭陰秋風別思深鏡臺明月冷粧閣莫

明言正聲 卷之二十九
雲沉舊愛悲紈扇幽期夢藁砧相思無與寄因
托白頭吟

木末亭與丘子長同用青字 陶瀾

春色滿郊坳登臨醉眼醒花間穿曲徑樹杪出
孤亭雲氣蒸衣白山光逼酒青相將耽勝賞歸
騎且須停

山居即事

金鶚

溪南巖谷好獨與衆山殊樹杪鳴泉細松門落
日孤犢肥原上草鳥動澤中蒲藥物生應滿將

尋慰病軀

古城

黃景羲

落日孤村暮河流到岸斜荒城餘舊蹟斷碣沒
平沙烟合空堤柳春深野溼花即今淮北道誰
是漢人家

送王典儀之楚府

饒美卿

送尔梁園客風帆入楚州暮潮京口驛涼月武
昌樓鴈影滄江晚蟬聲碧樹秋王門如授簡詞
賦掩枚鄒

山居

米文

一齋常不掃三徑謝經過長日衡門閉新年細
草多瓮頭時自醉花下偶成歌不盡青山色悠
然到薜蘿

卧病

黃之璧

日沒衡門閉塵埋寶玦昏病憐新帶減淚憶舊
衫痕夜月寒銷骨春燈黯斷魂寥寥見知己誰
復細温存

屏跡

盧澐

半畝江臯地棲遲一畝廬樹枯通蟻穴沙淨見
潭魚多病非緣酒長貧未鬻書藤蕪門逕遠獨
覺往來踈

遊三井

余羨元

巖合樹蒼蒼靈湫帶鴈堂新蒲平襯席危石互
成梁源接金沙迴流懸瀑布長還愁風雨至歸
路隔叢篁

送俞公臨還吳

孫旭

杯酒暫為別扁舟夜入吳潮聲兼日暮秋色滿

江湖楓葉帆前冷家山郭外孤因君歸興劇吾
亦憶蓴鱸

寄顏敬仲西湖別業

張應文

卜築依山靜都無市邑喧寒城當落照秋水淨
孤村地僻容高枕雲深好閉門開簾新月上幽
意向誰論

曉至西村

峰巒初日上墟里淡烟生把臂林間伴藏身谷
口耕頗耽開士理不用隱侯名只恐車塵誤蹉

蛇歲月更

同諸子飲納江亭得江字

吳士良

萬竹羅三徑危亭攬大江驚濤喧野席飛嘯倒
虛窓近檻青鷗並窺簾白燕雙論文伏卮酒吾
意若為降

途中寄兄

張學禮

汗漫初無定孤帆又遠行離心隨鴈遠鄉思逐
潮生落日鵲鴿語秋深旅夢驚風塵雙劍在長
夜匣中鳴

明言正卷之二十九
秋晚與吳漢甫過灌上人房 黃舒華
佛殿明秋色禪林澹夕暉偶從閒客步來扣老
僧扉浩劫談初劇浮生覺已非徘徊至昏黑欲
借慧燈歸

送陳國史之楚藩

孫朗

聞說衡陽鴈經秋到即回好令千里外頻寄一
書來水合巴陵闊天連夢澤開山川壯遊興况
爾謫仙才

登天闕山絕頂醉月

疋馬凌秋色迴旋鳥道竒懸崖背人立石磴抱
林危座迥千山伏天低片月垂浮雲不飛去孤
笛夜深吹

山中作

豐應元

軒冕知非有烟霞愜素心稍能忘物累豈復念
浮沉鴈唳霜天白鷄鳴村落深倦來仍倚杖涼
月亂清砧

有感

朽骨無勞妬丹誠乃見疑便將浮海去翻恨出

明言正卷
有髮如絲
門遲露冷冷
秋宵寒泣短
藜即看皮肉盡空

明詩正聲卷三十

五言律詩十一

廣陵

盧純學

編輯

江一夔

校閱

贈胡定之

蕭譽

羸馬嘶將夕
燕山遠傷人
囊空隨旅泊
日久慣風塵
白雪仍歌郢
烏裘莫戀秦
飛騰看數人
半屬艱辛

除夕哭先大夫

守歲近三朔
銜哀送臘殘
那堪雙眼血
仍對五

明言正聲 卷之三
羊盤外賦 試鞋服
花忍獨看生前當此夕
意幾承歡

獨夜

獨夜蒼苔色寒燈素壁光
風花非黯淡
悽涼苦塊愁難旦艱虞鬢易霜
時時聞野哭
地亦彷徨

汪三茂才廬墓

憐君雙眼血和雨濕孤墳
生死何曾隔哀鳴
忍聞空山成獨往
長夜復誰羣
淅淅風林晚

悽寄白雲

淘金寺送戰戶部得深字

送客過東林春城落日陰
隨緣依野衲惜別聽
山禽黯淡烟花暮
徘徊杯酒深
聞知小寒
思益難任

宿蓮花菴

夜過峰頂寺燎火照秋山
松偃雙扉
榻閒清談隨磬久不寐
見雲還願取蓮花水
因

名解西

吳先生再過柯山園和章

野人樵牧地雪後逕逾荒
履舄能重八起
自將曲仍臨水度盤忽得芹嘗不淺留連心長
為林壑光

張先生署中陪張伯大侍御

鱸堂停繡斧盃酒藉青氈
風紀推桓典文章老
鄭虔菊欄縈綵霧霜砌響清蟬
授簡非吾事空
為長者憐

行山中

雨餘林氣靜山晚日光斜
野店依孤樹村橋卧
斷查馬嘶遙澗水犬吠隔籬花
白首鋤雲者春
風自一家

哭丘謙之

死今高馬鬣生但急鴿原
請獄書頻上分甘淚
有痕草春誰與夢荆槁尚含冤
轉令園扉客寥
天哭斷猿

祥公院酌吳臯倩

過爾清涼境蔬齋結淨緣
頭陀階樹臘般若雨



原件短缺

P4

花天酒德分禪悅
蘿陰穩醉眠
猛看飛鳥度
矯翮白雲邊

送吳叔嘉遊石梁

李生寅

遙望金庭迴憐君
獨去時草深
司戶巷花落
右軍池雲影
窺林過溪聲
出澗遲
何當翠微上
還

有故人期

小溪

古道前朝墓
空山此日樵
溪邊水作碓
屋外竹為橋
踈雨秋生熱
輕風晚弄潮
雲霞正明滅
片

江流細草含新色
春風憶舊游
廿年留滯意
翻自愧沙鷗

入新安界

許賓

十日疲行役
雲山接大鄣
馬蹄知故道
人語別殊方
過雨防沙溜
臨谿問水梁
羅含居已近
艸色到池塘

夏日過邵道卿興教寺客寓

韓尼生

長夏住花宮
清涼萬劫空
林光圍枕席
山響入房櫳
聞梵機先息
繡經意已通
皈依幸有地
何

必問飄蓬

徐魏兩生夜至言懷慰之

張希淑

抱病門常掩離情每自憐不孤千里約相對一
燈前涕淚征衣濕關山片月懸不妨長夜醉浮
世搃悽然

月下汎舟

謝紹訥

秣陵今夜月流影墮滄浪露濕芙蓉岼寒生薜
荔裳孤舟浮水淨匹練抱城長一片清秋色冷
然照客觴

同盧子明先生館中觀妓

倪光胤

越艷青樓上吳娃錦瑟傷篆烟分霧靄簾影借
瀟湘寶袜裁腰細蒲桃繡領香彩雲飛不住一
一斷人腸

同盧子明先生舟中即事

暝色延高岼遙天斷夕鴻片帆殘照裏踈樹淡
烟中潮落孤尊月寒生短髻風酒酣時看劍斜
倚一江空

雨夜懷盧子明先生

孤館愁何劇空江獨掩扉蕭條長缺冷風雨故人違五夜寒生鬢一燈青染衣不堪踈樹外嘹唳斷鴻飛

自三山至姑孰

江震祚

亂山寒寂寂兩岸水淙淙嵐氣吞三楚濤聲自九江西風吹客酒斜日墮船窓復向他鄉別愁心不易降

同盧子明先生謝易之倪長卿遊烏龍潭流水涵空碧西風一逕開斷烟縈竹色飛鳥下

城隈雨挾烏龍去霜銜白鴈來仙家能愛客不使夕陽催

除夕

時家君官河間老母居海上不肖寄身成均色養俱違悽然成詠

客邸驚除夕踈燈照短扉臘從今夜盡人得幾時歸震目黃河斷寸心滄海違可憐游子淚洒不到春暉

月夜尋隆覺廢寺

寺在柘樹灣 丘陵

戴月尋荒寺淒涼古殿陰葉飛蓮座滿苔繡佛衣深野火吠山犬風巢墮水禽寥寥人跡斷白

露滿空林

舟中

寒水薰葭暮空江木葉稀感茲行役苦翻覺去
家非霜露淹蓬髮風塵敝旅衣故鄉看漸遠心
折片雲飛

寓江季章先生人市園月夜有懷

寄跡幽園裏行吟暮靄中霜枝繁晚菊風葉墜
踈桐逕積山烟白亭披海月空鄉書無一字灑
淚望飛鴻

曉度毛公嶺下資慶寺尋方公留宿

顧冶

僧釀梅初老仙山路幾盤雲深蒼玉杖霧重鹿
皮冠人影垂空幻禽聲落澗寒支郎舊相識春
夢繞烟巒

卓漱父邀同曹子念胡元瑞李季常泛船

湖上

帶麓三天寺綠湖十里樓黃梅微作雨蓮葉半
為舟簾出凌波豔隣移隔水謳斷橋人欲渡暮

色薄江鷗

不寐

不寐驚宵短踈鐘拂雨過藏身聊莽蒼涉世盡
風波傲骨年來損禪心病後多妻兒有何味一
壑漸蹉跎

立秋日始見白髮感而有述

已知秋至蚤不道鬢刁騷多病憐孤影他鄉感
二毛還丹銷歲月垂白臥江臯林葉終歸盡禪
門好自逃

梅秀才禹金擁妾吳門未還寄訊

豔色茂陵稀間情咲掩扉波紋明玉鏡空翠撲
羅衣客久金應盡春殘人未歸白頭彈綠綺容
易恨孤幃

乙酉除夕書懷明歲將由齊雲巖入九華
山

客懷悽暮景世態變晴霞却老終無路偷生未
有家緒香然栢葉新酒浸椒花便欲齋心往齊
雲復九華

日言上聲 卷之三十一
穀日携瓦子入荆溪却問俞大

自爭鷗鷺長泛泛忽新年最勝荆溪界偏宜穀
日天嶺頭微綴雪波面半橫烟卜築吾將老春
深為買田

巖脚買筏下籃渡抵紋溪玉几門別王陸
二子

巖游妨宿雨霽色領今朝錦石清湍筏蒼烟遠
樹橋攢峯孤抱塔帶郭半為樵玉几拋靈嶽錢
塘上夜潮

真州訪侯生不遇遇豐城雷生却寄

沙岸千行樹寒城一派山風塵失交臂款曲得
歡顏雷煥元雄劍侯羸尚抱關芙蓉日零落空
自涉江還

黃同宋過我南樓出乃公清甫碧雞集志
感

藐孤如父在破產傍誰栖骨未埋青草魂應化
碧雞隔城山許借隣寺樹堪携江夏曾專美家
聲蚤自齊

郡齋對酌別程時英還沔因簡費觀察

陳汝璧

何意天涯外扁舟來故人開尊今夜月歸路萬
家春薄宦余仍拙窮途爾更貧相知如問訊磬
折不堪陳

病起有四明之後舟中逢葛寅夫

扁舟經織女舖細雨渡曹娥驛名病起差強飯愁
多懶放歌捫膺猶磊塊顧影覺婆娑忽遇同心
者開尊柰爾何

倚杖

吳孺子

貧病吾將老江湖度歲華艱難惟有淚飄泊更
無家倚杖慚歸鳥臨池惜落花秋風何太早瑟
瑟向薰葭

愁中寄霞樵山人

悲來偏繫汝同病故情多身老無歸着家貧其
柰何詩書還寂寞歲月但蹉跎遐想蘭溪上春
風長薜蘿

九日白嶽山歸晚行

張康忠

日言山聲 卷之三十一
寂歷新安道迢迢野客蹤寒潭秋月冷疊嶂暮
雲重楓葉飛千樹芙蓉倒萬峰仙家蒼靄外隱
隱一聲鐘

夏日錢塘遇雨即事

夏日湖南寺山僧杖錫迎世情終有礙了悟得
無生落照浮煙斷飛虹帶雨橫年華易銷歇慙
負百年名

過偏橋言懷

黃德水

雨夕復風晨長途任此身前行去已遠孤客貌
何親山險天藏路溪寒馬嘯人旅懷歆有訴紆
軫不堪陳

宿鄧州

四月三日

跋涉途千里逍遙但驛亭計辰重見月徵野乍
分星古樹烏生鷺芳潭絮轉萍流年將客路朝
夕不遑寧

春日登靈巖山

金朗

雲外聳遙岑離宮春草深君王罷巡幸野客自
登臨花氣浮香徑泉聲咽玉琴霸圖輸淨業感

日言上聲
卷之三
三
慨起長吟

訓董伯大

時寄至家書

對酒忽不樂家書來遠人知君母猶病嗟我弟
長貧春色他鄉異交情故友真客心無貴賤回
首各沾巾

送謝芬父入楚時余有燕都之遊

與爾分不淺愁為千里遊家鄉一別酒燕楚兩
扁舟明月湘江夜涼風易水秋離懷不可道落
日照征裘

閨秀

春草

李夫人

無人種春草隨意發芳叢綠遍郊原外青回遠
近中幕烟粘落絮和雨襯殘紅不解王孫去淒
淒對晚風

夏日偶成

庭竹綠交加虛窓罩碧紗盤栽金線草臺長玉
簪花雨過留殘日雲歸帶晚霞未能消暑悶閒
步聽池蛙

客中作

朱靜菴

異鄉久為客風遏阻歸程兩岸數峰碧孤舟一
雨晴篷窗殘燭在烟樹早鴉鳴坐待東方曙依
稀見海城

苦雨

陳孺人

終日雨翻盆愁人欲斷魂嶺雲生屋角野水沒
籬根楊柳深藏徑梨花靜掩門聲聲偏入耳寂
寞自朝昏

秋日懷親

孫夫人

玉露沾花濕金風透葛涼天連秋水碧山帶晚
烟蒼撫景悲時序懷親憶故鄉倚闌凝立久心
逐鴈南翔

余兄寓京師偶赴河間詩以憶之

親闡天際迥悵望信音稀賴有同羣鴈那堪異
地飛蕭條棲旅館咫尺隔皇畿去去將旬月
如何尚未歸

送夫元孚

周夫人

紉蘭輕解珮萬里別南征岐路雲山合深閨歲

月驚朱顏愁裏變白髮夢中生日暮天涯望行
人隔幾程

午日

處處石榴花菖蒲任歲華烏啼風色淡虫響夕
陽斜霧障關山遠雲迷道路賒故鄉歸未得微
月照窓紗

羽士

訪僧田舍

錢月齡

北里尋僧舍青山水郭田短筇孤墅入紅樹一
溪連菰米炊香積茅茨帶夕烟相歡復無語我
亦愛逃禪

釋

日暮

明秀

西閣日將夕川原生暮烟遠林歸倦鳥枯葉抱
寒蟬野岸漁罾外秋風戍壘前故人應念我定

有尺書傳

田叟贈朱可麓

早起飯黃犢落花春水渾
雨中青箬笠溪上白雲村
食力古莘野全生今鹿門
不知城府外何處有桃源

歸鴈

萬里隨寒暑南衡又北秦
雲飛時避弋水宿更呼羣
青草湖邊雨黃沙磧上春
天涯未歸客愁向夜深聞

寓杭得四兄計

來書開不得落葉聽還驚
病眼天涯淚寒門歲暮情
朔風吹斷鴈斜日照荒荆
哀痛兼時事東歸百感生

登相國寺樓

冬日大梁城郊原四望平
雲開太行碧霜落蔡河清
欲問征西路兼懷吊古情
夷門多尚在無處覓侯嬴

吳江晚泊

宗衍

風壤三洲接江湖一水分虹消滄海雨日落洞
庭雲客意終難盡漁歌不厭聞長思陸魯望不
出可忘君

歸碧溪田舍

傳慧

絕壑留殘水高林剩落暉鳥聲春去少人蹟晚
來稀采澗芹羹美開畦蕨菜肥南山懸塔影不
斷海雲飛

其二

墻上藤稍綠籬邊竹筍斑野人逢薄暮留我聽
潺湲負耒鉏園罷腰鎌刈麥還田家各有適翻
愧一身閒

夜渡金山

空江信淼茫月出水生光入浦潮如雨沾衣露
欲霜天清沙氣白夜靜海雲黃漸覺鐘聲動應
知近上方

山中訪友

文秀

大士栖禪處松門閉兩涯樹交千壑暗雲帶萬
峯斜古洞留殘雪虛庭駐晚霞蒲團對支遁盡

日共趺跏

月夜鷄鳴山

暝色延高嶺長廊踏月行一燈分塔影孤磬雜
松聲鳥息旃林寂龍歸鉢水清迴看舊蘭若隱
隱隔江城

綠蘿庵作

希復

踈雨飛涼館高林日易昏幽籬掩深徑落葉滿
柴門自慰丘中意遙看水上村更言鐘梵妙何
忝給孤園

遊茅山觀

佛嗣

嗚歲須書札尋山作勝游采芝移白石吹笛落
蒼虬雲液花前歛霞文水上浮重来分茗椀信
宿半山樓



三言上卷

卷之三

六

